
SURAT PEKELILING PENGURUSAN AKADEMIK
BILANGAN 3 TAHUN 2024

**PENETAPAN TEMPOH AKHIR MENGEMASKINI BAND
MUET/SETARAF SEBAGAI SYARAT BERGRADUAT BAGI
PELAJAR BERSTATUS BELUM TAMAT (BT)
DAN
PENAMBAHBAIKAN KEPADA KAEDAH UNIVERSITI PENDIDIKAN
SULTAN IDRIS (PERKARA AKADEMIK) PERINGKAT SARJANA MUDA
(PINDAAN 2023)**

Bahagian Hal Ehwal Akademik
9 Januari 2024

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar dan Alumni)
Pendaftar
Pegawai-Pegawai Kanan

SURAT PEKELILING PENGURUSAN AKADEMIK
BILANGAN 3 TAHUN 2024

**PENETAPAN TEMPOH AKHIR MENGEMASKINI BAND MUET/SETARAF SEBAGAI
SYARAT BERGRADUAT BAGI PELAJAR BERSTATUS BELUM TAMAT (BT)
DAN
PENAMBAHBAIKAN KEPADA KAEDAH UNIVERSITI PENDIDIKAN SULTAN IDRIS
(PERKARA AKADEMIK) PERINGKAT SARJANA MUDA
(PINDAAN 2023)**

1.0 TUJUAN

Surat Pekeliling Pengurusan Akademik ini bertujuan untuk memaklumkan kepada semua kakitangan dan pelajar Universiti Pendidikan Sultan Idris mengenai keputusan pihak Universiti atas kelulusan Senat Kali Ke-229 Bilangan 1/2024 yang bersidang pada 9 Januari 2024 telah bersetuju dengan penetapan tempoh akhir mengemaskini band MUET/setaraf sebagai syarat bergraduasi bagi pelajar berstatus Belum Tamat (BT) dan penambahbaikan kepada Kaedah UPSI (Perkara Akademik) Peringkat Sarjana Muda (Pindaan 2023).

2.0 LATAR BELAKANG

- 2.1 Pada masa ini, pelajar-pelajar yang telah melengkapkan struktur pengajian masih belum memenuhi band MUET/setaraf sebagai syarat bergraduasi. Pelajar akan diberikan status BT iaitu Belum Tamat pada semester akhir pengajian mereka.
- 2.2 Status BT ini menyebabkan pelajar 'aktif' dalam sistem dan tertakluk kepada peraturan-peraturan akademik yang berkuat kuasa seperti keperluan untuk mendaftar semester dan mendaftar kursus.
- 2.3 Oleh kerana pelajar tiada keperluan lagi untuk mendaftar apa-apa kursus, maka pelajar dibenarkan untuk menangguh pengajian bagi membolehkan mereka menduduki semula ujian MUET/setaraf sehingga memenuhi band bergraduasi

yang ditetapkan seperti dalam Kaedah UPSI (Perkara Akademik) Peringkat Sarjana Muda (Pindaan 2023) (Kelulusan Senat Kali Ke-226 Bil. 9/2023 bertarikh 12 September 2023).

3.0 JUSTIFIKASI

- 3.1 Permohonan tangguh pengajian yang diberikan kepada pelajar status BT adalah tangguh peribadi yang dikira semester. Pelajar perlu memohon tangguh pada setiap semester sehinggalah mereka mencapai band MUET/setaraf yang ditetapkan dan mengemukakan slip keputusan MUET kepada BHEA untuk di kemaskini status pengajian mereka.
- 3.2 Walaubagaimanapun, BHEA mencadangkan agar satu ketetapan tempoh kemaskini band MUET/setaraf dibuat dengan **tempoh maksimum yang dicadangkan adalah sehingga pelajar berada pada Semester 12 iaitu semester maksimum pengajian bagi peringkat Sarjana Muda (tertakluk kepada permohonan tangguh semester pelajar yang perlu dibuat setiap semester)** supaya pelajar dan pihak Fakulti dapat memantau perkembangan pelajar mereka sehingga layak bergraduat.
- 3.3 Sekiranya pelajar tidak memohon penangguhan pada semester yang berstatus BT, pelajar boleh dikenakan tindakan **Gugur Status** tertakluk kepada Perkara 7, Kaedah UPSI (Perkara Akademik) Peringkat Sarjana Muda.
- 3.4 Pelajar status BT yang telah mencapai maksimum 12 semester akan diberikan status Diberhentikan (DB) secara automatik. Pengecualian kepada kes-kes khas yang mendapat kelulusan Senat.

4.0 CADANGAN PENAMBAHBAIKAN KAEDAH UPSI (PERKARA AKADEMIK) PERINGKAT SARJANA MUDA (PINDAAN 2023)

- 4.1 Cadangan penambahbaikan Kaedah UPSI (Perkara Akademik) Peringkat Sarjana Muda (Pindaan 2023) adalah seperti berikut:

Perkara	Asal	Baharu
Perkara 5 Penangguhan Pengajian	Tiada	5.9 Pelajar yang berstatus BT pada peperiksaan akhir mereka, dibenarkan memohon tangguh peribadi (kira semester) sehingga tempoh maksimum 12 semester sahaja.
Perkara 12 Penilaian Gred Kursus	Perkara 12.2 Deskripsi status keputusan peperiksaan: Tiada	Perkara 12.2 Deskripsi status keputusan peperiksaan: BT: Belum Tamat (Belum memenuhi syarat bergraduat MUET/Setaraf)
Perkara 15 Status Pengajian	Perkara 15.5 Status Diberhentikan (DB) Tiada	Perkara 15.5 Status Diberhentikan (DB) c. masih berstatus BT sehingga tempoh maksimum 12 semester.

5.0 KEPUTUSAN SENAT

Senat Universiti dengan kuasa yang diperuntukkan di bawah Perlembagaan Universiti bersetuju memperaku dan meluluskan penetapan tempoh akhir mengemaskini band MUET/setaraf sebagai syarat bergraduat bagi pelajar berstatus Belum Tamat (BT) dan penambahbaikan kepada Kaedah UPSI (Perkara Akademik) Peringkat Sarjana Muda (Pindaan 2023) seperti di **Lampiran A**.

6.0 TARIKH KUAT KUASA

Surat Pekeliling ini mula berkuat kuasa pada 9 Januari 2024.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

“PENERAJU KEBITARAAN PENDIDIKAN”



(SUHAILA SIDEK)

Ketua Timbalan Pendaftar

Bahagian Hal Ehwal Akademik

Tarikh: 9 Januari 2024

LAMPIRAN A